



Scuntrada da represchentants da la GiuRu cun giuventetgna internaziunala.

MAD

## Emprender da tschels, NOW!

■ 30 giuvenils che derivan da 9 pajais differents han visità durant l'avust per diesch dis la Svizra ed er il Grischun u pli exact il Passugg. La finamira dals organisaturs NOW era da pussibilitar ina tala experientscha a giuvenils che n'han normalmain betg avunda daners avant maun per viagià e n'era betg access a barats internaziunals. Quai camp en il Grischun è stà l'emprim eveniment dal project da NOW, l'organisa-ziun che ha sia sedia en Svizra. Il project va sis mais e durant quel temp dat i trais

inscuters persunals nua che las participantas ed ils participants han la chaschun da realisar cun agid dals organisaturs lur agens projects. Davos NOW stat tranter blers auters era Annina Schlatter che ha organisà il contact tar ils Rumantschs.

Durant lur temp en Svizra era la grupa in di a Cuiira. Avantmezdi ha ina part da la grupa visità ensemen cun trais suprastants da la Giuventetgna Rumantscha la Chasa Rumantscha per survegnir in'invista en la realità rumantscha. Suentermezdi è ina mesadad da la grup-

pa ida a viandar durant che l'autra mesadad ha pudì scuvrir cun la GiuRu la citad veglia da Cuiira. Sco ch'ins po vesair sin la fotografia avevan els durant la spasegiada tras Cuiira temp da scriver cartulinas per trametter quellas a lur famiglias e lur amis.

Il proxim project da NOW è era già en planisaziun, interessentas ed interessents dastgan sa chapescha s'annunziar sco voluntaris. Davart il proxim project sco er ulteriuras infurmaziuns chatt'ins sut: [www.nowornow.org](http://www.nowornow.org). *Aline Müller*